



МОНГОЛ УЛС
ХЭНТИЙ АЙМГИЙН ЗАСАГ ДАРГЫН
ЗАХИРАМЖ

2022 оны 01 сарын 24 өдөр

Дугаар А/41

Хэрлэн сум

Зөвлөл шинэчлэн байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 66 дүгээр зүйлийн 66.1, 60 дугаар зүйлийн 60.1.1, Монгол Улсын Хилийн тухай хуулийн 52 дугаар зүйлийн 52.3 дахь заалт, Монгол Улсын Ерөнхийлөгчийн 2000 оны 149 дүгээр зарлигаар батлагдсан "Улсын хил хамгаалалтад иргэдийг оролцуулах журам"-ын 2 дугаар зүйлийн 2.4 дэх заалтыг тус тус үндэслэн ЗАХИРАМЖЛАХ нь:


1. Хэнтий аймгийн Засаг даргын дэргэдэх "Хил хамгаалалтад туслах хүчний зөвлөл"-ийн бүрэлдэхүүнийг нэгдүгээр хавсралтаар, зөвлөлийн ажиллах журмыг хоёрдугаар хавсралтаар баталсугай.

2. Монгол Улсын Үндсэн хууль, Хилийн тухай хууль, Монгол Улсын Ерөнхийлөгчийн 2000 оны 149 дүгээр зарлиг бусад холбогдох эрх зүйн баримт бичгийг удирдлага болгон "Хил хамгаалалтад туслах хүчний зөвлөл"-ийн үйл ажиллагааг явуулахыг зөвлөлийн орлогч дарга, нарийн бичгийн дарга, гишүүдэд үүрэг болгосугай.

3. Батлагдсан журмын дагуу хилийн сумдад Хил хамгаалалтад туслах хүчний салбар зөвлөл (Хил хамгаалалтад туслах хүчний салбар зөвлөл)-ийг байгуулан, хилийн салбаруудтай нягт хамтран ажиллахыг Өмнөдэлгэр, Батширээт, Биндэр, Дадал сумдын Засаг дарга нарт даалгасугай.

4. Аймгийн Хил хамгаалалтад туслах хүчний зөвлөл (Хил хамгаалалтад туслах хүчний салбар зөвлөл), хилийн сумдын Хил хамгаалалтад туслах хүчний салбар зөвлөл (Хил хамгаалалтад туслах хүчний салбар зөвлөл)-д захирамжийг хүргэн үүрэг даалгавраар хангаж, мэргэжлийн удирдлага арга зүйн зөвлөгөө өгч ажиллахыг Зөвлөлийн орлогч дарга, Хилийн 0287 дугаар ангийн захирагч (хурандаа П.Мөнхбаатар)-д хариуцуулсугай.

ЗАСАГ ДАРГА



Ц.ЧОГСОМЖАВ

231010109

Аймгийн Засаг даргын 2022 оны
01 дүгээр сарын 24 өдрийн А/41
дугаар захирамжийн нэгдүгээр хавсралт



АЙМГИЙН ХИЛ ХАМГААЛАЛТАД ТУСЛАХ ХҮЧНИЙ
ЗӨВЛӨЛИЙН БҮРЭЛДЭХҮҮН

Хил хамгаалалтад туслах хүчний
зөвлөлийн дарга :

Хэнтий аймгийн Засаг дарга

Хил хамгаалалтад туслах хүчний
зөвлөлийн орлогч дарга:

Хилийн 0287 дугаар ангийн захирагч, Хэнтийн
хэсгийн Хилийн Бүрэн Эрхт Төлөөлөгч

Хил хамгаалалтад туслах хүчний
зөвлөлийн нарийн
бичгийн дарга:

Хэнтий аймгийн Засаг даргын Тамгын газрын дарга

Хил хамгаалалтад туслах хүчний
Зөвлөлийн гишүүд:

Иргэдийн төлөөлөгчдийн хурлын дарга
(зөвшилцсөнөөр)

Хууль, эрх зүйн хэлтэсийн дарга

Цэргийн штабын дарга

Санхүү, төрийн сангийн хэлтсийн дарга

Нийгмийн бодлогын хэлтсийн дарга

Хэнтий аймгийн давж заалдах шатны шүүхийн
ерөнхий шүүгч (зөвшилцсөнөөр)

Хэнтий аймгийн прокурорын газрын ерөнхий
прокурор, Хууль цаазын шадар зөвлөх
(зөвшилцсөнөөр)

Тагнуулын Ерөнхий газрын Хэнтий аймаг дахь
Тагнуулын хэлтсийн дарга

Цагдаагийн газрын дарга

Онцгой байдлын газрын дарга

Хэнтий аймаг дахь Шүүхийн шийдвэр гүйцэтгэх газрын
419 дүгээр нээлттэй хорих ангийн дарга,

Эрүүл мэндийн газрын дарга

Орон нутгийн өмчийн газрын дарга

Хэнтий аймгийн холбооны газрын дарга

Байгаль орчин, аялал жуулчлалын газрын дарга

Боловсрол, шинжлэх ухааны газрын дарга

Хүнс, хөдөө аж ахуйн газрын дарга,

Хэнтий аймгийн Мэдээлэл, холбоо, сүлжээний газрын
дарга

Хил хамгаалалтад туслах хүчний салбар зөвлөлийн дарга, Дадал сумын засаг дарга

Хил хамгаалалтад туслах хүчний салбар зөвлөлийн дарга, Биндэр сумын засаг дарга

Хил хамгаалалтад туслах хүчний салбар зөвлөлийн дарга, Батширээт сумын засаг дарга

Хил хамгаалалтад туслах хүчний салбар зөвлөлийн дарга, Өм нөдэлгэр сумын засаг дарга

Хилийн 287 дугаар ангийн Захирагчийн I орлогч, штабын дарга

Хууль, эрх зүй хэлтсийн мэргэжилтэн

ЗӨВЛӨЛИЙН АЖИЛЛАХ ЖУРАМ

Улсын хил хамгаалалтад туслах хүчний зөвлөл нь улсын хил орчмын нутаг дэвсгэрт хилийн болон хил орчмын дэглэмийг сахиулахад оролцоно.

Улсын хил хамгаалалтад туслах хүчнийг хилийн аймаг, сум, багийн төв, хилийн цэргийн анги, салбар, суурин газар болон шаардлагатай бусад газарт улсын хил хамгаалах байгууллагын саналыг үндэслэн аймгийн Засаг даргын захирамжаар байгуулна.

Хил орчмын нутаг дэвсгэрт байнга оршин суугаа, 18 нас хүрсэн Монгол Улсын иргэнийг улсын хил хамгаалалтад туслах хүчний гишүүнээр бүртгэхдээ түүний бичгээр гаргасан хүсэлт, улсын хил хамгаалах байгууллагын саналыг үндэслэн аймаг, сумын туслах хүчний зөвлөлөөр хэлэлцэж, Засаг даргын захирамжаар батална.

Улсын хил хамгаалалтад туслах хүчнийг аймаг, сумын Засаг дарга, түүний дэргэдэх зөвлөл, улсын хил хамгаалах байгууллага тус тусын бүрэн эрхийн хүрээнд удирдлагаар хангана. Зөвлөлийн дарга нь аймаг, сумын Засаг дарга, түүний орлогч дарга нь хилийн цэргийн ангийн дарга, нарийн бичгийн дарга нь хилийн аймаг, сумын Засаг даргын Тамгын газрын дарга байна.

Зөвлөл нь дараах бүрэн эрхтэй:

1. Улсын хил хамгаалах байгууллагын хангалт үйлчилгээнд туслалцаа үзүүлж,
2. Монгол Улсын хилийн хууль тогтоомжийг иргэн, албан тушаалтан, аж ахуйн нэгж, байгууллага сахин биелүүлж байгаад хяналт тавих;
3. Улсын хилийн болон хил орчмын дэглэмийг сахиулахад шаардлагатай дэмжлэг, туслалцаа үзүүлэх;
4. Иргэнийг сайн дурын үндсэн дээр улсын хил хамгаалалтад татан оролцуулах;
5. Иргэдийг ажил, үйлдвэрлэл, нутаг дэвсгэрийн байрлалаар нь улсын хил хамгаалалтад туслах хүчин болгон зохион байгуулж, хил хамгаалалтад оролцуулах;
6. Хилийн аймаг сумын төсөвт улсын хил хамгаалалтад зориулсан нэмэгдэл зардал тусгах.

7. Улсын хил хамгаалах байгууллага, аймаг, сумын улсын хил хамгаалалтад туслах хүчний зөвлөл нь хил хамгаалалтад идэвхтэй оролцсон туслах хүчний гишүүнд урамшуулал олгож, шагналд тодорхойлж болно.

Зөвлөл нь дараах үүргийг хүлээнэ:

Нутаг дэвсгэртээ байгаа улсын хил хамгаалах байгууллагын саналыг үндэслэн хил хамгаалалтад туслалцаа үзүүлэх ажлыг зохион байгуулах;

1. Улсын хил хамгаалах байгууллагатай хамтран туслах хүчнийг хил хамгаалалтад оролцуулах ажлыг зохион байгуулах;
2. Улсын хил хамгаалалтад төсөвлөсөн зардлын зарцуулалтад хяналт тавих;
3. Улсын хилийн зурвас, бүсэд улсын хил хамгаалах байгууллагын зохих зөвшөөрөлтэйгөөр ажил, үйлдвэрлэл эрхэлж байгаа туслах хүчний гишүүдийг оршин суугаа газраар нь хил хамгаалалтад оролцуулах ажлыг зохион байгуулах;
4. Улсын хилийн болон хил орчмын дэглэмийг санаатай буюу давтан зөрчсөн Монгол
5. Улсын иргэнийг хуулийн байгууллагад шилжүүлэх саналыг холбогдох байгууллагад тавьж шийдвэрлүүлэх;
6. Улсын хил хамгаалалтад идэвх зүтгэлтэй аж илласан, хилийн болон хил орчмын дэглэмийн зөрчлийг удаа дараа илрүүлсэн туслах хүчний гишүүнийг шагнаж урамшуулах, шагналд тодорхойлох, зөрчил гаргасан гишүүнийг туслах хүчний бүрэлдэхүүнээс хасах арга хэмжээ авах;